



NOTULE VAN 'N VERGADERING VAN DIE UITVOERENDE BURGEMEESTERSKOMITEE GEHOU IN DIE BANKETSAAL, MALMESBURY OP WOENSDAG, 17 AUGUSTUS 2022 OM 15:00

TEENWOORDIG:

Uitvoerende Burgemeester, rdh J H Cleophas (voorsitter)
Uitvoerende Onderburgemeester, rdl J M de Beer

Lede van die Burgemeesterskomitee:

Rdl D G Bess
Rdl N Smit
Rdl A K Warnick

Ander raadslede:

Rdh M A Rangasamy (Speaker)

Beampies:

Munisipale Bestuurder, mnr J J Scholtz
Direkteur: Siviele Ingenieursdienste, mnr L D Zikmann
Direkteur: Elektriese Ingenieursdienste, mnr T Möller
(afgetrede) Direkteur: Elektriese Ingenieursdienste, mnr R du Toit
Direkteur: Beskermingsdienste, mnr P A C Humphreys
Direkteur: Ontwikkelingsdienste, me J S Krieger
Direkteur: Korporatiewe Dienste, me M S Terblanche
Bestuurder: Begrotingskantoor, me H Papier
Bestuurder: Strategiese Dienste, me O Fransman
Bestuurder: Sekretariaat en Rekordsdienste, me N Brand

1. OPENING

Die Uitvoerende Burgemeester open die vergadering en rig 'n spesiale woord van verwelkoming aan die nuut aangestelde Direkteur: Elektriese Ingenieursdienste, mnr T Möller.

2. VERLOF TOT AFWESIGHEID

Dat **KENNIS GENEEM** word van die verskoning ontvang vanaf die rdh T van Essen en die Direkteur: Finansiële Dienste.

3. VOORLEGGINGS/AFVAARDIGINGS/SPREEKBEURTE

Geen

4. NOTULES

4.1 NOTULE VAN 'N GEWONE UITVOERENDE BURGEMEESTERSKOMITEE-VERGADERING GEHOU OP 13 JULIE 2022

BESLUIT

(op voorstel van rdl A K Warnick, gesekondeer deur rdl D G Bess)

Dat die notule van 'n Gewone Uitvoerende Burgemeesterskomiteevergadering gehou op 13 Julie 2022 goedgekeur en deur die Burgemeester onderteken word,

5.1 NOTULE VAN PORTEFEULJEKOMITEESVERGADERING GEHOU OP 10 AUGUSTUS 2022

5.1.1 MUNISIPALE BESTUUR, ADMINISTRASIE EN FINANSIES

BESLUIT dat die Uitvoerende Burgemeester die aanbevelings in die betrokke notule bekragtig.

5.1.2 SIVIELE EN ELEKTRIESE DIENSTE

BESLUIT dat die Uitvoerende Burgemeester die aanbevelings in die betrokke notule bekragtig, onderhewig aan die volgende toevoeging –

ITEM 6.2: OORWEGING VAN DIE KONSEP VERKEERKALMERINGSBELEID

BESLUIT VERDER

- (b) Dat die Verkeerkalmeringsbeleid goedgekeur word vir implementering met ingang van 17 Augustus 2022;
- (c) Dat, aangesien die versoeke tot speedwalle in die bestaande Areaplanne ontstaan het voor die implementering van die Verkeerkalmeringsbeleid, die beleid nie van toepassing is nie en die versoeke aangespreek word met in ag neming van beskikbare befondsing.

5.1.3 ONTWIKKELINGSDIENSTE

BESLUIT

Dat die Uitvoerende Burgemeester die aanbevelings in die betrokke notule bekragtig.

5.1.4 BESKERMINGDIENSTE

BESLUIT

- (a) Dat die Uitvoerende Burgemeester die aanbevelings in die betrokke notule bekragtig, onderhewig aan die volgende toevoeging –

ITEM 5.1.1: VERKEER- EN WETSTOEPASSINGSDIENSTE

BESLUIT VERDER

- (b) Dat kennis geneem word van die versoek van rdh B J Stanley om ondersoek in te stel om verkeerskantore op 'n Saterdag vir die publiek oop te stel;
- (c) Dat opdrag aan die Munisipale Bestuurder gegee word om die impak van die versoek op die onbefondse mandaat te bepaal om te verseker dat Swartland Munisipaliteit nie 'n verdere verlies aan inkomste lei nie.

6. SAKE VOORTSPRUITEND UIT DIE NOTULES

Geen.

7. NUWE SAKE

7.1 NERSA GOEDKEURING VAN ELEKTRISITEITSTARIEWE VIR 2022/2023 (16/2/1/2/1)

Die elektrisiteitstariewe vir die 2022/2023 finansiële jaar is op 26 Mei 2022 deur die Raad goedgekeur, onderhewig daaraan dat die tariewe deur NERSA aanvaar word.

'n Skrywe gedateer/...

7.1/...

'n Skrywe gedateer 5 Julie 2022 is vanaf NERSA ontvang ten opsigte van die goedkeuring van die elektrisiteitstariewe en is versoek dat die tariefverhoging met betrekking tot die energiekomponent van die industriële tariefstrukture (tarief 3 en tarief 10) verlaag word na 7.47% in plaas van die 8%-verhoging waarvoor aansoek gedoen is.

Die afgetrede Direkteur: Elektriese Ingenieursdienste noem dat die Raad reeds bewus is van die rasionaal om die verhoging van industriële elektrisiteitstariewe geleidelik in te faseer om sodoende residensiële tariewe te kan verlaag.

BESLUIT (vir voorlegging aan die Raad op 25 Augustus 2022)
(op voorstel van rdl N Smit, gesekondeer deur rdl A K Warnick)

- (a) Dat kennis geneem word van die goedkeuring ontvang vanaf NERSA vir die 2022/2023 elektrisiteitstariewe en dat lg. aanvaar word;
- (b) Dat verder kennis geneem van NERSA se erkenning dat hulle nie oor die statutêre en regulatoriese jurisdiksie beskik om die voorgestelde aktiwiteit tussen die Munisipaliteit en gebruikers van kleinskaalse ingeboude kragopwekkers te reguleer nie;
- (c) Dat die volgende verlaagde elektrisiteitstariewe van toepassing op die industriële tariefstrukture, soos vasgestel en goedgekeur deur NERSA, aanvaar word:

No	Tariff Structure	NERSA approved Tariff Excl Vat	NERSA approved increase	Tariff applied for Excl Vat	% Increase applied for
3	Industrial Bulk Normal (3-phase)				
3a	Bulk Consumers: Network Charge per month	R 1 853.4300	7.47%	R 1 853.4300	7.47%
3b	Consumption: per kWh	R 0.8810	7.47%	R 0.8854	8.00%
3c	Maximum Demand: per kVA per month	R 356.5700	7.47%	R 356.5700	7.47%
10	Industrial Bulk 'Time Of Use'-Tariff (3-phase, Alternative for Tariff 3)				
10a	Time Of Use: Network Charge per month	R 1 853.4300	7.47%	R 1 853.4300	7.47%
	Low Consumption Season (Sep - May):				
10b	* Peak (per kWh)	R 1.5277	7.47%	R 1.5352	8.00%
10c	* Standard (per kWh)	R 1.0513	7.47%	R 1.0565	8.00%
10d	* Off peak (per kWh)	R 0.6667	7.47%	R 0.6701	8.00%
	High Consumption Season (Jun - Aug):				
10e	* Peak (per kWh)	R 4.6834	7.47%	R 4.7065	8.00%
10f	* Standard (per kWh)	R 1.4187	7.47%	R 1.4257	8.00%
10g	* Off peak (per kWh)	R 0.7702	7.47%	R 0.7741	8.00%
10h	Maximum Demand: per kVA per month	R 239.1500	7.47%	R 239.1500	7.47%

7.2 BEGROTING AAN DIE ONDERHOUD AAN PROVINSIALE HOOFPAALIE: 2023/2024 FINANSIËLE JAAR

Die onderstaande tabel toon die beraamde uitgawes ten opsigte van die onderhoud aan provinsiale hoofpaaie in die Swartland munisipale gebied:

RAAD	PAD NO.	BESKRYWING	AKTIWITEIT	VERSOEKE 2022/2023
Swartland	MR 226	Riebeeck Kasteel (Hoof-, Sarel Cilliers- en Piet Retiefstraat)	Gereelde onderhoud	R2 021 942.20
Swartland	MR 215	Darling (Hoofstraat)	Gereelde onderhoud	R994 453.32
Swartland	MR 228	Darling (Evita Bezuidenhout Blvd)	Gereelde onderhoud	R783 933.75
Swartland	MR 174	Malmesbury (Voortrekkerstraat)	Gereelde onderhoud	R602 043.77
				R4 402 373.04

7.2/...

Die behoeftes word op 'n jaarlikse basis aan die Provinsiale Distrikspadingenieur voorgelê vir oorweging tydens die begrotingsproses van die betrokke departement.

BESLUIT

(op voorstel van rdl A K Warnick, gesekondeer deur rdl D G Bess)

Dat die Uitvoerende Burgemeesterskomitee die Begroting van Uitgawes aan Provinsiale Hoofpaaie vir die 2023/2024 finansiële jaar soos hierbo uiteengesit, goedkeur.

7.3 PROSESPLAN VIR DIE OPSTEL VAN DIE GEÏNTEGREERDE ONTWIKKELINGSPLAN (GOP) EN RUIMTELIKE ONTWIKKELINGSPLAN (ROR) (2/1/4/4/1)

Die verslag handel met die wetgewende vereistes wat ingevolge artikels 28 en 29 van die Plaaslike Regering: Wet op Munisipale Stelsels, 2000 (Wet 32 van 2000) gevolg moet word vir die opstel van die Geïntegreerde Ontwikkelingsplan (GOP) en die gepaardgaande proses na afloop van die verkiesing van 'n nuwe munisipale raad.

Die Munisipale Bestuurder bevestig, soos versoek deur rdl A K Warnick, dat 'Sport' as fokusarea ingesluit sal word vir die voorlegging van die Prosesplan aan die Raad op 25 Augustus 2022.

Die Prosesplan is apart tot die sakelys gesirkuleer.

BESLUIT

(op voorstel van rdl A K Warnick, gesekondeer deur rdl D G Bess)

- (a) Dat die Prosesplan vir die opstel van die nuwe GOP vir Swartland in terme van Artikel 28 van die Wet op Munisipale Stelsels (Wet 32 van 2000) aanbeveel word vir goedkeuring deur die Raad;
- (b) Dat die program met tydraamwerke/tydschedule wat as Aanghangsel A by die Prosesplan ingesluit is, in terme van artikel 29(1)(a) van die Wet op Munisipale Stelsels asook artikel 21(1)(b) van die Wet op Munisipale Finansiële Bestuur aanbeveel word vir goedkeuring deur die Raad;
- (c) Dat die Prosesplan ook die hersiening van die Swartland Ruimtelike Ontwikkelingsraamwerk rig.

7.4 WYSIGING VAN DIE MUNISIPALE RUIMTELIKE ONTWIKKELINGSRAAMWERK (15/1/4/1)

Die Swartland Munisipaliteit: Verordening insake Munisipale Grondgebruikbeplanning (PK 8226 gedateer 25 Maart 2020) bepaal die prosedures wat gevolg moet word wanneer 'n wysiging aan die Munisipale Ruimtelike Ontwikkelingsraamwerk (ROR) beoog word.

Item 7.3(c) hierbo bevestig dat die hersiening van die ROR in die GOP-Prosesplan opgeneem is en in September 2022 'n aanvang sal neem.

BESLUIT

(op voorstel van rdl D G Bess, gesekondeer deur rdl N Smit)

Dat die volgende stappe vir die hersiening van die Munisipale Ruimtelike Ontwikkelingsraamwerk (ROR) in terme van artikel 3 en 4 van Swartland Munisipaliteit: Verordening insake Munisipale Grondgebruikbeplanning goedgekeur word:

- (a) die Munisipaliteit 'n kennisgewing plaas in twee koerante wat in omloop is in die munisipale gebied en in twee amptelike tale van die Provinsie wat hoofsaaklik in die gebied gepraat word betreffende die voorneme van die Munisipaliteit om die ROR te wysig en die proses wat gevolg staan te word in terme van artikels 28(3) en 29 van die Munisipale Stelselswet;

7.4/...

- (b) die Munisipaliteit die Provinsiale Minister skriftelik in kennis stel van sy voorneme om die ROR te wysig, die proses wat gevolg staan te word in terme van artikels 28(3) en 29 van die Munisipale Stelselswet en dat die gewysigde ROR aan die Provinsiale Minister voorsien word vir kommentaar/insette;
- (c) die Munisipaliteit 'n uitnodiging aan tersaaklike belanghebbendes rig om hulself te registreer ten einde op die gewysige ROR kommentaar/insette te lewer as deel van die beoogde proses;
- (d) die Munisipaliteit 'n projekkomitee aanwys wat uit die volgende amptenare vanuit die betrokke departemente sal bestaan:

Munisipale Bestuurder	:	J J Scholtz
Kantoor: Strategiese Dienste	:	O Fransman
Ruimtelike Beplanning	:	J S Krieger
	:	A M Zaayman
	:	A J Burger
	:	H Olivier
	:	A de Jager
Ingenieursdienste	:	T Möller
	:	L D Zikmann
Plaaslike Ekonomiese Ontwikkeling	:	H Balie
Behuising	:	S Arendse

7.5 VOORLEGGING VAN KONSEP VERORDENING INSAKE BEHEER OOR ONDERNEMINGS WAT DRANK AAN DIE PUBLIEK VERKOOP (1/1)

Die Raad beskik oor 'n Verordening insake Beheer oor Ondernemings wat Drank aan die Publiek verkoop wat op 22 Mei 2015 afgekondig is.

Die Direkteur: Korporatiewe Dienste noem egter, na aanleiding van die onlangse tragiese gebeure in die land by beide gelisensieerde en ongelisensieerde persele, dit nodig geag word om sekere wysigings aan die bestaande verordening aan te bring om voorsiening te maak vir veiligheids- en sekuriteitsmaatreëls op alle persele waar drank aan die publiek verkoop word.

BESLUIT

(op voorstel van rdl A K Warnick, gesekondeer deur rdl N Smit)

- (a) Dat goedkeuring verleen word dat die volgende konsepverordening op 26 Mei 2022 aan die Raad voorgelê word vir aanvaarding in beginsel:
 - Swartland Munisipaliteit: Verordening insake Beheer oor Ondernemings wat Drank aan die Publiek verkoop
- (b) Dat, na beginselgoedkeuring deur die Raad, die konsep verordening vir publieke kommentaar geadverteer word in terme van artikel 12(3)(b) van die Stelselswet, 2000, in die plaaslike media sowel as op die munisipale webtuiste.

7.6 WYSIGING AAN DIE PRESTASIEBESTUUR- EN ONTWIKKELINGSBELEID (2/4/2)

Die Prestasiebestuur- en Ontwikkelingsbeleid is op 19 Mei 2022 deur die Uitvoerende Burgemeester aanvaar en noodsaak die aanstelling van die nuwe Direkteur: Elektriese Ingenieursdienste 'n geringe wysiging daaraan.

BESLUIT

(op voorstel van rdl N Smit, gesekondeer deur rdl A K Warnick)

Dat die Beleid vir Prestasiebestuur en -Ontwikkeling met ingang van 1 Augustus 2022 gewysig word deur die byvoeging van die onderstreepte gedeelte in Gedeelte 2 Paragraaf 10 (Prestasie bonusse) - hieronder in Engels aangehaal:

"The Municipality however has decided not to pay any performance bonuses, with the exception of the Municipal Manager and Director Electrical Engineering Services who will be eligible for a performance bonus according to the calculation table in ANNEXURE A up to a maximum of 14%."

7.7 MENSLIKE HULPBRONNE: NUWE BELEIDE EN HERSIENING VAN BESTAANDE BELEID (4/2/B)

Die nuwe Munisipale Personeelregulasies noodsaak die samestelling van 'n aantal nuwe beleide, asook die hersiening van bestaande beleide om te voldoen aan die vereistes soos bepaal deur die Regulasies.

Die konsep beleide is aan die Arbeidsforum voorgelê en beide vakbonde – Imatu en Samwu – het geleentheid gehad om daarop kommentaar/insette te lewer. Die finale konsep beleide is op 21 Julie 2022 aan die vakbonde voorgelê en word die beleide aan die Uitvoerende Burgemeesterskomitee aanbeveel vir oorweging en goedkeuring.

BESLUIT

(op voorstel van rdl J M de Beer, gesekondeer deur rdl D G Bess)

- (a) Dat die Uitvoerende Burgemeesterskomitee die aangehegte Veranderingsbestuurstrategie vir die implementering van die Munisipale Personeelregulasies goedkeur met ingang van 1 September 2022;
- (b) Dat die Uitvoerende Burgemeesterskomitee die aangehegte gewysigde Werwing- en Keuringsbeleid goedkeur met ingang van 1 September 2022;
- (c) Dat die Uitvoerende Burgemeesterskomitee die aangehegte nuwe Proef tydperkbeleid goedkeur met ingang van 1 September 2022;
- (d) Dat die Uitvoerende Burgemeesterskomitee die aangehegte nuwe Retensiebeleid goedkeur met ingang van 1 September 2022;
- (e) Dat kennis geneem word dat die delegasies voortspruitend uit die betrokke beleide voorgelê sal word aan die Raad aan die einde van Mei 2023 as deel van die Delegasiestelsel.

7.8 VERSLAG OOR GEMEENSAP ONTWIKKELINGSPROJEKTE 2021/2022: UITKOMSTE EN IMPAK (17/2/2)

Die Afdeling: Gemeenskapsontwikkeling moet op 'n jaarlikse basis verslag doen insake die uitkomst en impak van gemeenskapsontwikkelingsprojekte ingevolge die Swartland Munisipale Sosiale Ontwikkelingsbeleid en -Strategie.

Die verslag sluit die uitkomst en impak van die projekte in wat gedurende 2021/2022 finansiële jaar aangebied is.

BESLUIT

(op voorstel van rdl D G Bess, gesekondeer deur rdl J M de Beer)

- (a) Dat die Uitvoerende Burgemeesterskomitee kennis neem van die uitkomst en impak van die gemeenskapsontwikkelingsprojekte t.o.v. 2021/2022;
- (b) Dat die Gemeenskapsontwikkelingsafdeling teen Augustus jaarliks verslag moet doen oor die uitkomst en impak van gemeenskap-ontwikkelingsprojekte van die vorige finansiële jaar.

7.9 VERSKUIWING VAN VOC SEINKANON, MOORREESBURG (17/13/1)

'n Aansoek is ontvang vanaf mnr Johann Mostert van die VOC Stigting, wat namens die plaaseienaar optree, om een van die twee kanonne wat tans voor die Stadsaal in Moorreesburg geplaas is, te verskuif na sy oorspronklike seinstasie op die Plaas Kanonberg, 12 km Suidoos van Moorreesburg.

Die verslag tot die sakelys bied agtergrond tot gesprekke wat gevoer is met die onderskeie rolspelers, naamlik die Koringbedryf Museum, die VOC Stigting en die South African Heritage Resources Agency (SAHRA) aangaande die verskuiwing vna die seinkanon. Verdere gesprekke het ook plaasgevind met die Canon Association of South Africa (CAOSA) ten einde soveel as moontlik inligting in te samel insake die betrokke kanon. Bevestiging is vanaf CAOSA ontvang dat die seinkanon ter sprake wel die oorspronklike kanon is wat op die Plaas Kanonberg gebruik is.

7.9/...

BESLUIT

(op voorstel van rdl A K Warnick, gesekondeer deur rdl J M de Beer)

- (a) Dat toestemming verleen word aan Mnr Johann Mostert van die VOC Stigting vir die verskuiwing van die VOC-kanon voor die Moorreesburg stadsaal na sy oorspronklike posisie op die plaas Kanonberg, Moorreesburg;
- (b) Dat publieke kommentaar, van 'n erfenisaard alleenlik, ingewin word by wyse van kennisgewings in die plaaslike media, kennisgewings op perseel, asook via die toepaslike wykskomitees en sosiale media;
- (c) Dat enige besware ontvang na hierdie komitee verwys sal word vir oorweging;
- (d) Dat die aansoeker ook verantwoordelik sal wees vir die vervanging van die bestaande canon met 'n soortgelyke artefak.

7.10 AANSOEK OM VESTIGING VAN KREMATORIUM, DARLING (12/2/R)

Staan oor.

7.11 HUUROOREENKOMS: W DUCKITT & SONS CC (15/4/6)

Die Munisipaliteit huur 'n gedeelte (groot $\pm 300 \text{ m}^2$) van die plaas, Oude Post, geleë in die omgewing van Darling waarop 'n kabelvrye netwerkstasie opgerig is. Die verlenging van die huurooreenkoms is noodsaaklik vir die voortgesette verskaffing van Inligtings, Kommunikasie en Tegnologie-dienste in die betrokke area.

BESLUIT

(op voorstel van rdl A K Warnick, gesekondeer deur rdl D G Bess)

Dat die hernuwing van die huurooreenkoms met W Duckitt & Seuns vir die huur van 'n gedeelte (groot $\pm 300 \text{ m}^2$) van restant van gedeelte 8 van die plaas Oude Post 577 vir die voortgesette bedryf van die Munisipaliteit se kabelvrye netwerkstasie soos volg goedgekeur word:

- (a) 'n huurooreenkoms vir die tydperk 1 Oktober 2022 tot 30 September 2025 teen betaling van huurgeld van R2 072.37, plus BTW, per maand en wat jaarliks met 8% eskaleer, asook 'n opsie om verder te huur.

7.12 HUUROOREENKOMS: DARLING KLEINBOERE VERENIGING (17/2/2)

Die Raad het vir die periode 1 April 2008 tot 28 Februarie 2018 'n gedeelte grond (± 68 hektaar) aan die Darling Kleinboere Vereniging verhuur, maar het weens die nienakoming van sekere bepalinge in die oorspronklike ooreenkoms nie die huurtermyn hernu nie.

Die Direkteur: Korporatiewe Dienste meld dat daar verskeie interaksies sedertdien met die Darling Kleinboere Vereniging plaasgevind het en dat die vereniging nou in 'n gunstige posisie is om 'n langtermyn ooreenkoms te sluit. Die aangaan van 'n ooreenkoms is ook noodsaaklik om hulp vanaf ander staatsdepartemente te bekom, bv. vir die sink van boorgate en heinings.

BESLUIT

(op voorstel van rdl D G Bess, gesekondeer deur rdl J M de Beer)

- (a) Dat 'n gedeelte van erf 551 (grootte ± 68 hektaar) te Darling, aan die Darling Kleinboere Vereniging verhuur word, vir 'n tydperk van 9 jaar en 11 maande;
- (b) Dat huurgeld vasgestel word op R120.00 plus BTW, per maand;
- (c) Dat die huurvoorwaardes deur die Direkteur: Korporatiewe Dienste, in oorleg met die Direkteur: Ontwikkelingsdienste bepaal word.

7.13 HUUR VAN MUNISIPALE MEENTGROND TE MALMESBURY (12/2/4-8/4)

Die Raad verhuur aan die Swartland Voortrekkers 'n gedeelte munisipale meentgrond, groot $\pm 2082\text{m}^2$, geleë oorkant die Swartland Hoërskool te Malmesbury, wat gedeeltelik in die bestaande padreserwe val.

BESLUIT

(op voorstel van rdl J M de Beer, gesekondeer deur rdl D G Bess)

- (a) Dat 'n gedeelte meentgrond (groot $\pm 2082\text{m}^2$) te Malmesbury, aan die Swartland Voortrekkerkommando verhuur word vir termyn van een (1) jaar m.i.v. 1 September 2022;
- (b) Dat huurgeld vasgestel word op R120.00 plus BTW, per jaar;
- (c) Dat die huurvoorwaardes onveranderd bly.

7.14 UITSTAANDE DEBITEURE: JULIE 2022 (5/7/1/1)

'n Volledige verslag van die stand van uitstaande debiteure is met die sakelys gesirkuleer.

BESLUIT

(op voorstel van rdl N Smit, gesekondeer deur rdl A K Warnick)

Dat kennis geneem word van die verslag aangaande die stand van Swartland Munisipaliteit se uitstaande debiteure vir Julie 2022.

7.15 VORDERING MET UITSTAANDE VERSEKERINGSEISE (5/14/3/5)

Ingevolge die Batebestuursbeleid moet maandeliks verslag gedoen word insake die uitstaande versekeringseise.

BESLUIT

(op voorstel van rdl A K Warnick, gesekondeer deur rdl N Smit)

Dat kennis geneem word van die stand van uitstaande versekeringseise tot en met 31 Julie 2022 soos met die sakelys gesirkuleer.

7.16 AFWYKING VAN VOORGESKREWE VERKRYGINGSPROSESSE: DRINGENDE HERSTELWERK AAN DIE VULLISVERWYDERINGSVRAGMOTOR, CK 38712 (8/1/B/2)

Die betrokke vullisverwyderingsvoertuig, CK 38712, word gebruik vir die verwydering van vaste afval in die munisipale gebied.

BESLUIT

(op voorstel van rdl A K Warnick, gesekondeer deur rdl N Smit)

- (a) Dat die Uitvoerende Burgemeesterskomitee kennis neem van die afwyking van die voorgeskrewe verkrygingsprosedures ingevolge klousule 36(2) van die Voorsieningkanaalbestuurbeleid;
- (b) Dat verder kennis geneem word van die aksie van die Munisipale Bestuurder om goedkeuring te verleen vir die herstelwerk aan die vullisverwyderingsvragmotor, CK 38712, deur Transtech ten bedrae van R55 017.08 (BTW uitgesluit);
- (c) Dat die redes vir die afwyking van die voorgeskrewe verkrygingsprosedures as volg is:
 - (i) die vragmotor sou vir 'n geruime tyd buite werking wees indien die normale verkrygingsproses gevolg is;
 - (ii) voormelde sou aanleiding gegee het tot 'n onderbreking in die vullisverwyderingsdiens met gepaardgaande openbare gesondheidsrisiko's;
 - (iii) die herstelwerk aan die vragmotor is as 'n noodgeval hanteer;

7.16/...

- (d) Dat daar voldoende fondse beskikbaar is en dat die uitgawe ten bedrae van R55 017.08 (BTW uitgesluit) teen posnommer 9/241-1253-709 verreken word;
- (e) Dat die Bestuurder: Finansiële State in terme van die Voorsiening-kanaalbestuursbeleid opdrag gegee word om bovermelde rede as nota by die finansiële state in te sluit, wanneer die betrokke state opgestel word.

7.17 AFWYKING VAN VOORGESKREWE VERKRYGINGSPROSESSE: DRINGENDE HERSTELWERK AAN DIE DROMSKERMS BY DIE INLAATWERKE VAN DIE MALMESBURY WWTW (8/1/B/2)

Die inlaatwerke by die Malmesbury WWTW is toegerus met twee dromskerms. Die dromskerms is deel van die primêre behandelingsproses waar vreemde voorwerpe soos lappe, motormotorenjins, klippe ens verwyder word ten einde meganiese toerusting verder af in die behandelingsproses te beskerm.

BESLUIT

(op voorstel van rdl J M de Beer, gesekondeer deur rdl D G Bess)

- (a) Dat die Uitvoerende Burgemeesterskomitee kennis neem van die afwyking van die voorgeskrewe verkrygingsprosedures ingevolge klousule 36(2) van die Voorsieningkanaalbestuurbeleid;
- (b) Dat verder kennis geneem word van die aksie van die Munisipale Bestuurder om die herstelwerk aan die "drum screen" by die Malmesbury WWTW deur *G W Trautmann* ten bedrae van R66 775.52 (BTW uitgesluit) goed te keur;
- (c) Dat die redes vir die afwyking van die voorgeskrewe verkrygingsproses soos volg aangeteken word:
 - (i) indien die normale prosesse gevolg was, sou die dromskerm vir 'n geruime tyd buite werking gelaat word;
 - (ii) voormelde sou lei tot onafwendbare skade aan die meganiese toerusting verder af in die proses;
 - (iii) die herstelwerk by die Malmesbury WWTW was dus as 'n noodgeval gehanteer;
- (d) Dat kennis geneem word dat die uitgawe ten bedrae van R66 775.52 (BTW uitgesluit) teen posnommer: 9/239-851-689 verreken word en dat daar voldoende fondse beskikbaar is;
- (e) Dat die Bestuurder: Finansiële State in terme van die Voorsiening-kanaalbestuursbeleid opdrag gegee word om bovermelde rede as nota by die finansiële state in te sluit, wanneer die betrokke state opgestel word.

7.18 AFWYKING VAN VOORGESKREWE VERKRYGINGSPROSESSE: HERSTELWERK AAN DIE DEZZI-SKRAPER (8/1/B/2)

Die Dezzi-skraper word in Darling gebruik vir die instandhouding van grondpaaie en tydens normale bedrywighede is opgemerk dat die lem nie behoorlik funksioneer nie.

BESLUIT

(op voorstel van rdl A K Warnick, gesekondeer deur rdl D G Bess)

- (a) Dat die Uitvoerende Burgemeesterskomitee kennis neem van die afwyking van die voorgeskrewe verkrygingsprosedures ingevolge klousule 36(2) van die Voorsieningkanaalbestuurbeleid;
- (b) Dat verder kennis geneem word van die aksie van die Munisipale Bestuurder om goedkeuring te verleen vir die herstelwerk aan die Dezzi-skraper deur *Cape Diggers* ten bedrae van R32 126.00 (BTW uitgesluit);
- (c) Dat die redes vir die afwyking van die voorgeskrewe verkrygingsprosedures as volg is:

7.18(c)/...

- (i) die omvang van die werk deur *Cape Diggers* aan die masjien om die geaffekteerde komponente te ondersoek om 'n kwotasie voor te berei;
 - (ii) dit as onprakties beskou word om die amptelike verkrygingsprosedures te volg, aangesien dit sou beteken het dat die masjien weer aanmekeer gesit moet word met die foutiewe komponente;
 - (iii) *Cape Diggers* is die gemagtigde diensagent vir Dezzi toerusting in die Weskaap;
- (d) Dat daar voldoende fondse beskikbaar is en dat die uitgawe ten bedrae van R32 126.00 (BTW uitgesluit) teen posnommer 9/241-1253-709 verreken word;
- (e) Dat die Bestuurder: Finansiële State in terme van die Voorsiening-kanaalbestuursbeleid opdrag gegee word om bovermelde rede as nota by die finansiële state in te sluit, wanneer die betrokke state opgestel word.

7.19 AFWYKING VAN VOORGESKREWE VERKRYGINGSPROSESSE: AANSTEL VAN SEKURITEITSMAATSKAPPY MET TWEE SEKURITEITSWAGTE EN -HONE BY DIE WESBANK SPORTGRONDE (8/1/B/2)

Die Wesbank Sportgronde gaan steeds gebuk onder diefstal en beskadiging van munisipale bates en word die dienste van 'n sekuriteitswag daar benodig in 'n poging om die skade te probeer beperk.

Rdl A K Warnick noem dat die onderskeie sportklubs deur middel van die Sportforum 'n besluit geneem het om eienaarskap op te neem en die sportgronde teen vandalisme te beskerm deur die Buurtwag te betaal om gereelde patrollies daar te doen.

Die Munisipale Bestuurder noem dat opdrag aan die Sportbeampte gegee sal word om voormelde inisiatief te ondersoek vir oorweging deur die onderskeie Sportforums. Aktiewe burgerskap raak al hoe meer belangrik om die Munisipaliteit by te staan om munisipale bates te beskerm ten einde volgehoue dienslewering te verseker.

BESLUIT

(op voorstel van rdl A K Warnick, gesekondeer deur rdl J M de Beer)

- (a) Dat die Uitvoerende Burgemeesterskomitee kennis neem van die afwyking van die voorgeskrewe verkrygingsprosedures ingevolge klousule 36(2) van die Voorsieningkanaalbestuursbeleid;
- (b) Dat verder kennis geneem word van die aksie van die Munisipale Bestuurder om die kwotasie van *Dogs & All* te aanvaar vir die lewering van sekuriteitsdienste by die Wesbank Sportgronde ten bedrae van R96,075.00 (BTW uitgesluit);
- (c) Dat die redes vir die afwyking van die voorgeskrewe verkrygingsproses soos volg aangeteken word:
 - (i) die risiko van diefstal en vandalisme van munisipale bates by die Wesbank Sportgronde is van so 'n aard dat dit nodig is om die Raad se bates daarteen te beskerm;
 - (ii) die aanstelling is as 'n noodgeval hanteer om die munisipale bates teen diefstal en vandalisme te beskerm;
- (d) Dat die uitgawe ten bedrae van R96,075.00 (BTW uitgesluit) teen posnommer: 9/237-1017-1319 verreken word en dat daar voldoende fondse beskikbaar is;
- (e) Dat die Bestuurder: Finansiële State in terme van die Voorsiening-kanaalbestuursbeleid opdrag gegee word om bovermelde rede as nota by die finansiële state in te sluit, wanneer die betrokke state opgestel word.